



UKA 2025/51

6/11-2025

Margrethe Thårup Andersen

Qanoq ililluta ilaqutariinnut suliniarnitta annertusineratigut pisullu tamaasa isiginerisigut meeqqat angerlarsimaffiup avataanut inissinneqarsimasut amerlassusaasa annikillisarinnaanerat pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Bo Martinsen, Demokraatit)

Demokraatit Inatsisartunut ilaasortaataata Bo Martinsen-ip oqallinnermut matumunnga pingaarutilimmut, mianernartumullu aallarniineranut qujanaq.

Inissiinerit eqqartoraangatsigit qassiunersut, aningaasaqarnerlu eqqartukkajuttarpagut. Taarserlugu oqallinneq mumisitsigu, ataqqinnittumillu meeqqat taakkualua ilaqutaat eqqartorlutigit. Inuuneq ilusilersorneqartoq, allanngortorlu eqqartortigu. Inersimasut sapermata nukappiaqqat, niviarsiaqqallu ulluinnarminnik, toqqissisimaffimminnik, ilisimalluakkaminnillu annaasaqartut eqqartortigit.

Meeqqat angerlarsimaffiup avataanut inissinneqartariaqartartut tamarmik sumiginnarneqarsimasarput. Aliasuutaavoq inuiaqatigiittut nammattarput. Inissiisoqartillugulu akisussaaffeqaatigiinnerput tassunga killeqannginneranik eqqaasitsinerulluni.

Tamanna pillugu artornartoq pitinnagu ilaqutariit tapersersornissaanni qanoq pitsaanerulersinnaanerluta aperissalluni, eqqorlunilu pingaarutilerujussuuvuq. Meeqqat toqqissisimanatik inuussanngimmata, ajornartorsiutillu annertuallaalertinnagit angajoqqaat aamma ikiorneqartussanngorlugit siusissumik iliuuseqarneq qanoq annertusarsinnaaneripput. Pinaveersaartitsineq ilaqutariinnut qanikkaangat, siusissumillu ikiisoqaraangat pinaveersaartitsineq iluaqutaasartoq Demokraatini upperaarput. Ikiuinerlu paasinninnermik, ataqqinninnermillu pigaangat.

Meeraq kommunimi suliniutaassanngilaq. Ikiuineq ataqatigiissaarneqarlunilu ilaqutariit, meeqquerivik, atuarfik, peqqinnissaqarfik, isumaginninnermut ingerlatsivik, inuiaqatigiillu akimorlugit malinnaavigineqassaaq. Ilaqutariit artornartumik nalaataqartillugit pilersaaruserfigisariaqarpagut. Ikiuineq ersarissaaq, kialaassaaq, atorsinnaallunilu.

Tamanna pillugu ilaqutariinnut katsorsaaneq, akerleriissutillu iluarsivigineqarnissaat pissusissamisuuginnartumik ilaalerlutik tamat isiginnissuseqarnerunissamik eqqarsaat Demokraatit tapersersorpaat. Angajoqqaarpasuit ajunngitsumik perusuttarput, unamminartulli iliuuseqarfiginissaannut sakkussanik amigaateqartarlutik. Ilaqutariinni pissutsit allanngortinnissaanni tatiginnissuseqartariaqarpoq, tapersersuisoqartariaqarpoq, siunissamullu ungasinnerusumut suliniuteqartoqarluni.

Iliuusissatut pilersaarutip "Pitsaaliuinerit pitsaanerit, inissiinerit ikinerit" sulissutigineqarnera



DEMOKRAATIT

isumalluarfigaarput, ilutigisaanilli aamma isumaqarluta periaatsit nutaat ammaffigissagut. Ilaqutariit eqqortumik ikiorserneqarnerut, ikiorsiinerlu systemimik pinngitsuuisinnaanermik pilersitsinani ilumut nukittunerulersitsinersoq immaqa misissussavarput.

Meeqqat inissinneqartariaqartillugit tamanna isumassuisumik, eqqarsaatigeqqissaakkamillu pissaaq. Angajoqqaaminnut attaveqarnerat, oqaasii, kulturiat, atuarnerallu pigiinnarneqarniassammata sapinngisamik periarfissaatillugu angerlarsimaffiisa eqqaanniittariaqarpoq. Meeraq ulluinnarminik, naggumminillu annaasaqartoq imminek ilaanik annaasaqartarpoq. Taamaattumik inissiierni tamani atassuteqaatit, atajuarnissarlu qitiusariaqarput.

Ilutigisaanik meeqqanik taakkunannga ullut tamaasa sullissisut eqqaamassallutigit pingaaruteqarpoq. Uani angajoqqaarsiat, perorsaasut, ilinniartitsisut, isumaginninnermilu siunnersortit eqqarsaatigaakka. Allangueqataapput, akisussaafferujussuarmillu tigumminninnertik pillugu tapersersussallugit, ilitsersussallugit, akuersaassallugillu pissutissaqarluni.

Naggataatigut manna systeminut tunngassuteqanngilaq, asanninnermulli tunngassuteqarluni. Meeqqat toqqissisimanissamik, allanngujuissutsimik, inersimasunillu imminerminnut upperinnittuartunik pisariaqartitsipput. Aamma inuuneq annernartillugu.

Tamanna pillugu Demokraatit kissaatigaat, meeqqat taakkualu ilaqutaat ikiortariaanerusut pillugit qanilaartumik, ataqatigiissaakkamik, akisussaassusilimmillu systemimik qanoq pilersitsisinnaanissatsinnut oqallinneq manna atussagipput. Meeraq kinaluunniit toqqissisimanani peroriartussanngitsoq anguniagaasariaqarpoq. Meeqqat tamarmik akuusutut, naleqartutullu misigissapput.

Taakkuupput oqallinnermut Demokraatit maannamut isummersuutigerusutaat.